

## **Aldez aurretiko jendaurreko kontsulta, entzunaldia eta informazioa, ordenantzak eta aratuegiak prestatzeko eta aldatzeko prozeduran**

Herritarrek arategiak atontzeko prozeduran parte hartuko dabela ziurtatu guran, eta Herri Administrazioetako Administrazio Prozedura Erkidearen ganeko urriaren 1eko 39/2015 Legeak bere 133. artikuluan ezarritakoaren arabera, araua prestatu baino lehen, aldez aurretiko jendaurreko kontsulta egin beharra dago herritarren eretxia eta arauak ikututako erakunderik garrantzitsuenen eretxia batzeko hainbat alderdiren ganean, esate baterako ekimenaren bitartez konpondu gura diran arazoak, onarpenaren premia eta aukerea, arauaren helburua eta urtenbide alternatibo erregulatzailer eta ez-erregulatzailerak.

2017ko bagileko bilkuran, Larrabetzuko Udalak aldez aurretiko jendaurreko kontsulta, entzunaldi eta informaziorako gidalerroak onartu ebazan, udal arauak prestatzeko prozedurearen barruan.

Horren guztiaren ondorioz, 2020rako zerga ordenantzak aldarazoteko eta eguneratzeko proiektuaren prestaketea aldez aurreko kontsulta publikoaren pean iminten dogu.

Egutegia honakoa izango da:

- Irailaren 15ra arte kontsulta epea zabalik egongo da eta memoriaren ganeko eretxiak edo ekarpenak udaletxera bideratu ahalko dira erakundera etorritz, egoitza elektronikoa erabiliz edo [udala@larrabetzu.eus](mailto:udala@larrabetzu.eus) helbidera e-maila bialduz.
- Irailaren 16tik irailaren 29ra webgunean argitaratuko da 2020rako zerga ordenantzak aldatzeko aurreproiektua, herritarrei entzunaldia emateko eta eretxiak batzeko. Horreek udaletxera bideratu ahalko dira erakundera etorritz, egoitza elektronikoa erabiliz edo [udala@larrabetzu.eus](mailto:udala@larrabetzu.eus) helbidera e-maila bialduz.
- Urriaren 23ko Ogasun Batzordean testua aurkeztuko da haren ganean eztabaidatzeko.
- Urriaren 30eko bilkuran 2020rako zerga ordenantza barriak onartuko dira.
- Zemendian BAO on argitaratuko dira, jendaurrean egoteko.
- Abenduan behin betiko onarpena argitaratuko da.

## 2019. URTERAKO, ZERGA ORDENANTZAK ETA PREZIO PUBLIKOAK ARAUTZEN DAUEN ORDENANTZAK ALDATZEKO MEMORIA

- **Konpondu beharreko arazoak**

Larrabetzuko Udalaren udal gobernuak 2020rako zerga ordenantza batzuk eguneratzeko asmoa dauka (zergak, tasak eta prezio publikoak arautzen dabean ordenantzak), eta horrek aldarazpenak ekarriko dauz, behar adina sarrera izango dirala ziurtatzeko eta, halan, erakundearen eskumenak bete ahal izateko. Tributuen helburu nagusia da beharrezko diru sarrerak lortzea, udalaren eskumenekoak diran gastuei eta zerbitzu publikoei eusteko. Horretarako, sistema gidatu behar dauen printzipio bat dago, hau da, zergak ordaintzeko benetako gaitasun handiagoa daukanak gehiago ordaintzea. Larrabetzuko Udalak, erreferentziatzko legeriak ahalbidetzen deutson neurrian, printzipio hori aplikatuko dau zuzenekoak diran zerga tributuetan, tributuoak personaren gaitasun ekonomikoaren zuzeneko edo berehalako agerbide bat zamatzen dabelako, berbarako ondasun baten jaubetza edo errenta baten lorpena. Udal eremuan zuzeneko tributuoak honakoak dira: ondasun higiezinaren ganeko zergea, jarduera ekonomikoaren ganeko zergea, traxino mekanikozko ibilgailuen ganeko zergea eta uri lurren balioaren gehikuntzearen ganeko zergea. Zentzu honetan, erreferentziatzko legezko markoak ahalbidetzen deutson neurrian, Larrabetzuko Udalak zuzeneko tributuetan kenkari, hobari edo eransketen araubidea ezarriko dau, personaren gaitasunari erreparatuz eta kasu bakoitzean lortu gura dauzen printzipio eta helburuak kontuan hartuz. Era berean, zerbitzu publikoen ganeko zerga ordenantzak be eguneratuko dira.

Gaur egun, zerga ordenantzetan araututako diru sarrerak, batez be zergak, tasak eta prezio publikoak, Larrabetzuko Udalaren diru sarrera guztien %36 inguru dira. Sarrerak batez be Udal Finantzazinoaren Foru Funtsetik datoz (Udalkutxa), horixe da-eta Bizkaiko Foru Aldundiak ezarritako tresnea, udalek euren eskumenei jagokezan betebeharreari aurre egiteko behar beste finantza baliabide euki daiezan.

Beste alde batetik, udal eskumeneko zerbitzu publikoen gastu eta kostuen zenbatekoa handitzen da ekoizpenari eta ezarpenari hainbat faktorek eragiten deutselako (lan kostuak, kostu materialak...); horrek urterik urte eguneratzen dira, udalak ordaindu beharreko azken prezioa areagotuz. Hori dala eta, gure zerga ordenantzetan eta prezio publikoen ordenantzetan aldarazpen txikiak sartu behar dira, udalerrian sortutako gastuen ordainketea bermatzeko eta zerbitzu publikoen prestazino zuzena ziurtatzeko, halan sarreraren eta gastuen kontuaren orekeari eustea lortuz.

- **Premina eta aukerea**

Aldarazpenaren behin-behineko onarpena urriko bilkuran planteatu beharra dago, 2020ko urtarrilaren batean indarrean sartu daiten, behin hogeita hamar eguneko? jendaurreko epearen ondoren, interesdunek espedienteaz aztertu daien eta egokitzat jotzen dabean erreklamazioak aurkeztu daiezan.

Ganera, hilabete horretarako udalaren sarrera eta gastuen egoeraren hurrerapena eukiko dogu; halanda ze, udal preminen irudi fidagarriagoa planteatu beharko da zergen arloan.

Ganera, zergen arloko eztabaidan sartu beharra dago herritarrek Txorierriko herri desbardinetan jasaten daberen zerga presinoaren ganeko gaia. Ez dauka zentzunik personak bizi diran udalerraren arabera euro mordo gehiago ordaindu beharra kontzeptu eta zerbitzu bardenen truke. Oro har, gure udalerriko zergak, tasak eta prezio publikoak gure inguruko udalerrietakoak baino dezente txikiagoak dira, eta, beharbada, komenigarria izan daiteke bardintzera jotea, zerbitzu publiko hobek eta ugariagoak eskaintzeko oinarriaren gainean

- **Arauaren helburua**

Ordenantzearen ganeko jarduketa honen helburua da zergak, tasak eta udal prezio publikoak eguneratzea.

- **Urtenbide alternatiboak**

Toki Erakundearen Ogasuna osotzen daberen baliabideak honakoak dira:

- a) Ondaretik jatorkoan sarrerak eta zuzenbide pribatuko ganerakoak.
- b) Zergetan, tasetan eta kontribuzino berezietan sailkatutako tributuak, bai eta Toki Ogasunaren alde oinarri edo kuoten ganean legez eskatu daitekezen errekarguak be.
- c) Zerga itunduetan, ez-itunduetan izandako partaidetzak eta ganerako sarrera publikoak.
- d) Diru-laguntzak.
- e) Prezio publikoen kontzeptuan jasotakoak.
- f) Kreditu eragiketen emoia.

g) Isunen eta zigorren emoia udalaren eskumenen eremuan.

h) Zuzenbide publikoko generako prestazioak.

Larrabetzuko Udalaren ogasuna Udalkutxa bidez itundutako tributuetan izandako partaidetzeak osotzen dau gehienbat, bai eta tributu propioek eta, neurri txikiagoan, diru-laguntzek eta prezio publikoek be.

Gaur egun, indarrean dagoan udal finantzazioaren sistemearen bidez eta Udalkutxatik datozen sarreren gorabeherak ikusita, beharrezkoa da zergak tasak eta prezio publikoak eguneratzea eta ez dago bestelako alternatibarik emoten diren zerbitzu publikoen eta gastuen gehikuntzeari aurre egin ahal izateko.